

# TVB 周刊

WEEKLY

04/05/2009 逢星期一出版 \$12

619

隨書附送《2009香港小姐競選》報名表格

今期一書三冊

加送



直擊胡諾言 陳琪  
絕密新房

農夫小儀  
爆整蠱大計

惡女潮襲港  
宣萱 鄧萃雯 率先解畫

眾星有 say  
豬流感爆發

徐子珊《仁心解碼》  
化身鐵騎士

宋熙年 戒指女王

## 薛家燕徘徊生死間 母女情感動天



4 893426 000015

# 媽媽 偉大媽媽 薛家燕

## 生死十日 祈禱續命： 「我咁樣走咗點算呀？」

「可憐天下父母心」，並不是深宵重播的粵語殘片老掉牙情節，視圈中的佼佼者，就有我們熟悉的家燕姐薛家燕。

家燕姐早前因為工作過勞，在割膽手術後，休息不足而引致併發症，更嚴重至肺積水，十日間徘徊生死線，腦海中記掛住三個身在外地的子女，以思念他們的心情去禱告求續命相見。

得知母親病重，大女石祐珊堅決放棄於美國的事業，回港陪伴家燕姐，接手媽媽的工作。母女情深，攜手跨過了鬼門關。

今天，家燕姐康復出院，繼續《富貴門》的拍攝和其他工作，忙而快樂，因為身邊多了一位好助手，工作上有女兒珊珊為她分擔，出入陪伴左右，母女檔拍住上！

身形雖然瘦了兩大圈，但聲氣回復雄壯的家燕姐看着女兒，忍不住哈哈大笑：「我有諗過！但我覺得好開心，她可以幫助我事業的發展。」

為兒女奔波半生，家燕姐捱至命危，彰顯母愛的無私與偉大。其實天下皆是慈母，五月十日（星期日）母親節將至，作為子女，如何孝敬三百六十五天為你勞累的母親？

或者就如珊珊，緊緊的擁抱家燕姐吧！



## 不休成疾

「自一九九六年復出接拍《真情》，我每天只睡三、四小時，十幾年如是，習慣了。」慣了，不知累。去年年初拍罷《銀樓金粉》後，就答應接拍十一月開拍的《富貴門》，其間忙着「家燕媽媽藝術中心」的工作，同時簽了十多場國內至星馬的登台，還有廣告拍攝和電台《家天下》的錄音，行程相當緊密，家燕姐：「直至十月剛由新加坡回來，覺得心痛，醫生說我有膽石問題，當時我亦需要做一個小小的婦科病手術，為免延誤十一月的劇集開鏡，我就好勇要求一次過做兩個手術，之後休息三星期，相信可以復工。這對我來說已是很長的休息了，因為自復出以來，我根本未休息過。」

自恃休息了三星期，家燕姐繼續鐵人生活，五天內做七場show，凌晨上機出國走兩場，翌日回港拍劇，就算發覺身體不適都死頂：「成日痛，食完肥膩食物更會梗住，初初以為傷口未埋好口，心想遲些就會好了！怎知愈來愈嚴重，所以我就趁二月某天凌晨十二時開工前去做磁力共振照胃。」

忍痛三個月才去看醫生，真係好曳呀！家燕姐無奈解釋：「當時忙嘛！又諗住食了藥好快冇事。你都知聖誕節和同農曆新年時間我們最忙的。（唔舒服為何不推掉工作？）一早接了，怎能推？入了醫院以為冇得返出來，因為我併發症，疏忽了身體健康，好對唔住自己，其實冇人逼我要咁搏命嘍！只是自己一路衝，唔記得stop、去踩break，一下子煞制就傷害了自己。這一個月的大休息，我想了很多，人是需要珍惜機會，但同時亦要珍惜健康，考慮能否負荷。我的性格好得意，每做一件事就立即上了身，要我跳A-GoGo，我就立即變回十幾歲時係咁跳，忘記一切。」



多年來，珊珊都不時陪伴家燕姐工作，今次為了媽媽放下了美國的事業，對於媽媽的感激，珊珊認為是作為子女的本份，她說：「這不是犧牲，是我應該做的！如果媽咪有咩事，我一一生都唔知點算好，我仍然後生，仍有機會做其他想做的事，只是回來後需要時間去適應，同設法追上媽咪的工作步伐，她實在太powerful。」

# 彌留十日

回想起十日命危，家燕姐不禁多次提及「好辛苦」：「當時我有胸積水，喇氣都好辛苦，全身插滿喉，那痛苦係冇人知，痛到我瞓唔到，食止痛藥都唔得，要打針令我失去知覺。其間，我每天想着三個子女同爸爸！我唔可以就咁走，珊珊未返來，三個子女都唔喺度，咁樣走咗點算呀？見唔到佢哋！爸爸九十多歲又咁掛住我，仲有套劇未拍完，成組人等我，我要返去拍劇㗎！」

當時家燕姐處於昏迷狀態，眼睜不開，說不出半句話，只能天天在心中禱告：「主！你要畀我過呢一關。」結果，朦朧中聽到她的姐姐說：「佢嘅燒退番少少，又好咗啲啦。」家燕姐才知道自己已經度過了危險期：「第四日，珊珊趕回來了，我更加安樂，又聽到爸爸的聲音，知道他們來探我，我更相信自己可以過到這一關。今次的病，我明白是主給我的一個警號，要我不要再傷害自己，要珍惜身體，我會乖乖地，哈哈！」

家燕姐康復後，珊珊為此與母親大鬧一場，家燕姐：「珊珊話我做完手術點解唔休息？擔心了個幾星期，日日都喊，我話她傻，媽咪都有事，我唔知會令她那麼大壓力，她曾經提及回來幫我，但我冇say yes，唔想女兒為了我犧牲自己。但今次入院十日，她堅決回來：『媽咪唔係講玩，根本都唔聽我講。』今次真的比較嚴重，她回來我當然好感動，同時好驚會影響她的前途，但亦明白自己不能再負荷那麼多工作。繼續落去，我根本係冇福去享受自己的人生，所以答應了女兒，會盡量休息，但唔可以一下子放低，唔係我會失落，因為我真係好enjoy工作的過程，從中有好大滿足感。」



大病後，家燕姐明白健康的重要，所以完成了劇集拍攝後，她會慢慢暫停工作，家燕姐：「但我是需要工作來寄託，因此我開了藝術中心，因為我鍾意小朋友，希望栽培他們，算是小小的貢獻，並不是為了賺錢，就算花多了，都覺得有意義。我是童星出身，小朋友自細的栽培是好緊要，這是父母當年給我的影響。今天我成了很多小朋友的媽媽，所以大家都叫我『家燕媽媽』。」



珊珊完成了美國的學業，找到理想的工作，公司亦打算培養她當經理人，派她到上海工作，本來打算闖一番事業才回到母親身邊，但自十月得知家燕姐生病，珊珊開始盤算回港工作，珊珊：「去年暑假就知道媽咪唔舒服，加上她隱瞞病情，都有開她嘍，都唔聽！」



身為長女的珊珊（右），沒有埋怨自己是出生於單親家庭，反而更愛錫媽媽和照顧弟妹，珊珊：「因為由細到大Daddy都唔喺身邊，媽咪和我變成了姊妹同朋友，每天都有說不盡的話題。」



# 模範媽媽

為了工作差點賠了性命，除了家燕姐是工作狂外，她亦非常坦白，「錢」當然亦是原因之一！她輕嘆道：「我都有啲傻，去年的金融海嘯，對我損失好大，就安慰自己，人人如是，唔單只我薛家燕，富商李兆基、李家誠損失比我更多。但唔緊要啦！我仲有咁多機會，咁多job接，做完正好可以彌補一些損失。」

家燕姐並非貪錢，試想想一個女人仔，離婚後需要獨力湊大三個子女：「你諗吓，三歲、五歲、七歲，有排養。」為了天文數字的生活費，她冇路可選，只能復出拍劇：「當時我曾經想做其他工作，但冇人請，亦都冇人信。去做保險，反而畀人叫我買保險；去做地產，又以為我去買樓。剛好遇上《真情》和『好姨』這個角色，突然間將我於谷底拉番起身，因為我試過那種苦況、無奈、求救，突然間有機會畀我，當然好開心好珍惜，所以自一九九六年開始，我得到好多工作，直至現在。要保持自己的名氣，一定要勤力、有交帶、對工作認真，我做代言的廣告一定有很大的影響。另一方面亦要為子女着想，唔單止小學，上到中學、大學，都希望他們讀得更好，結果愈滾愈做愈多。」

貫徹優質的工作態度，家燕姐成為城中模範：「離婚唔代表世界末日，很多人更以我為榜樣，所以我要做得更好，從中得到成就和滿足感。幾十年來母兼父職，係好辛苦呀！但我唔可以喊住周圍同人講：『好慘呀！好慘呀！』冇用㗎，我惟有令大家相信我是做得到。工作後返到屋企立即做回媽媽，就算天才光收工，我都會陪仔女食完早餐、送他們上學後才休息。三個仔女從未做過令我激心的事，有時我工作辛苦，做到發脾氣，他們都唔敢出聲，只會斟杯茶畀我，詐諦擺功課成績我睇，來叻我開心。所以我們一家人好團結、好感性。其實每逢母親節我都擺到好多名譽，這些獎其實是屬於我的仔女，如果他們唔乖，我點偉大同辛苦都有用，他們懂事和乖，做媽媽的是事半功倍。」

為了令子女成才，家燕姐忍心送走三人到外國去：「七年前開始送他們出國，送走珊珊（右一）時，她走埋來攞住我喊，送兒子石耀庭（左一）去讀書，他就背住我行，點解唔過來攞吓我？原來他唔敢畀我睇到喊樣，細女石耀珠都係好唔捨得！將來可能他們選擇在美國發展，建立自己的事業和家庭，我都算是盡了責任，讓他們接受好教育。好彩三個都好聽話，我更有諗唔過珊珊今次會返來幫我，真係好感動。」



為了答謝媽媽，三姊妹每逢節日都會為家燕姐製造最難忘驚喜，珊珊：「最難忘有一年生日，我扮媽咪、細佬扮黎小田，細妹則扮肥姐沈殿霞，排舞練唱了一首《家燕與小田》。當晚我們突然上台，媽咪還以為是fans，結果看見居然是自己的子女，她非常愕然，我覺得這是最creative的一個idea。」





## 珊珊：為第一桶金努力！

年僅二十三歲的珊珊，開始肩負起媽媽的擔子，每天工作至凌晨三、四點，睇到家燕姐心痛，同時亦欣慰可以母女檔拍住上，珊珊亦坦言吃力：「媽媽幾十年來的鍛鍊，一下子我當然冇咁快可以追得上。我知她工作量大，但估唔到要配合她來做，都好辛苦，哈哈哈哈哈。有時上車我都想休息一下，但媽咪可以繼續傾電話，覺得她好厲害，所以我有更多東西需要學習呢！」

作為大家姐，珊珊希望媽媽可以盡量休息：「也是時候享吓福，咁辛苦賺錢回來，都希望自己開開心心，去enjoy剩下來的時間，雖然我未有經濟能力去預起成頭家，但都希望盡快搵到第一桶金！」

得到三個孝順子女的愛錫，附上大量sweet到痺的家庭照，家燕姐真的要好好休養，是時候享兒女福了。📺

家燕媽媽要聽話  
好好錫錫身體，養好身子。  
我哋一齊去旅行玩吓啦！  
much♡ 錫晒您！  
mama



## Supplement

*Happy Mother's Day*

真的愛你

- \* Mall媽媽有禮
- \* Selected gift
- \* 貴氣母親節餐

## LIVING

寵物 · 寵物

## TVBaby

細聽童心

培養有品孩子



Sherman 鍾舒漫 花樣年華



Rote Fabrik  
透明質酸補濕精華

# QUEEN

TV BEAUTY

隨619期  
**TVB** 周刊  
附送

May 2009  
TVB 出版  
贈閱版

Fashion 莊思敏

## Hot

### Short Pants

### Beauty

小臉修顏術  
耀眼Brightening Eye

### 星座自遊行

 最佳旅伴排行榜

### What's Hot must have

Ingenious Metallic SunGlasses  
Exclusive Hawksbill SunGlasses

### bestbuy

S/S Boots

### Brand Story

## BALLY

### 皮鞋世家

# elanne

江 若 琳 花 樣 少 女